

**PERSECUCION TRAS DI
MOTOCICLISTA A TERMINA
CU DETENCION Y A CONFISCA
2 SCRAMBLER NA TAKI
LEENDERT**



WWW.SOLODIPUEBLO.COM



SOLODIPUEBLO@GMAIL.COM



PONENCIA DI MIKE DE MEZA RIBA GAS Y REPSOL TA ROBES: ATROBE UN GRAN LOLEIS

**Partido MEP y Nel Oduber ta tata
di CAP, funda dia 15 mei 2006**

**PRONTO LOTTO PA DEPORTE
LO TA BOU DI MANEHO BEK
DI FUNDACION LOTTO PA
DEPORTE ARUBA**



**UN SOLDA HULANDES A
MURI DURANTE SNORKEL
NA CURACAO**



**RAPERO BIGIDAGOE DI
AMSTERDAM TIRA MATA**



UN SOLDA HULANDES A MURI DURANTE SNORKEL NA CURACAO

Un solda hulandes di e ehercito Real Hulandes a muri diasabra durante un snorkel na Curacao. Despues di un reporte di ta desapareci, e curpa sin bida a wordo haya, segun Ministerio di Defensa.

E militar a baha na playa Porto Marie na Sint Willibrordus.

Despues di oranan di buskeda, e curpa a keda haña pa e servisionan di emergencia.



TIENDA DI EDUCACION TIN UN DIRECTIVA NOBO

Tienda di Educacion (TDE) ta un fundacion cu a wordo funda ariba 18 di mei 2012 y ta cumpliendo 12 aña di existencia e aña aki y ta un organisacion pa Mama, Tata, Wela, Welo, Madrastra, Padrastra y tur otro persona cu directo- of indirectamente tin di haber cu cuido y guia di mucha y hoben di o pa 18 aña. Desde su inicio Tienda di Educacion tin e meta pa yuda e mayor- y educadornan di tal forma cu nan habilidad pa soluciona problema di educacion di e mucha (nan), ta mehora. Esaki ta nifica cu e meta ta pa e grupo aki haya guia y sosten di con pa amplia nan capacidad pa busca solucion encuan to educacion di un mucha. Pa e prome kwartaal di aña 2024 TDE lo pasa den varios cambio. Pa cuminsa TDE ta anuncia cu desde 1 di maart e organisacion lo conoce un cambio den forma di un directiva nobo. E proceso di cambio aki ta andando caba na Camera di Comercio Aruba.

TDE kier introduci e directiva nobo na pueblo di Aruba, consistiendo di sr. Jonathan Trinidad kende no ta desconoci riba e tereno social, mirando cu pa añas a traha na Famia Planea Aruba. Jonathan actualmente ta un Lector/docente na Universidad di Aruba pa e Facultad di Arte y Ciencia, Departamento di 'Social Work & Development' y tin su mesun compania di 'Consultancy'. Jonathan lo

asumi e puesto di presidente di directiva. Siguientemente nos tin sra. Jerrilyn Arends. Di profesion Jerrilyn ta un docente na un scol basico y lo asumi e funcion di secretaria. Nos tin sra. Janine Wever kende a haci un cambio den carera y ta dedica su mes na cuido y educacion di nos muchanan na bureau Traimerdia y ta asumi e funcion di tesorera. Sra. Luz-Neyla Tromp, di profesion un trahador social-juridico cu tin su mesun practica priva di 'counseling'. Sra. Luz-Neyla lo fungi como miembro general y alabez como vice-presidente. Y pa completa nos directiva nos tin sra. Shalinie Flores-Rodjan.

Despues di un cambio di profesion, ta actualmente na un Centro di Comunidad y ta maneha esaki. Sra. Shalinie lo fungi como un miembro general y lo yuda directiva cu e.o. PR. Nos ta sigur cu tur miembro nobo cu nan conocimiento, experticio y dinamismo lo contribui na un manera valioso y trece innovacion pa cu Directiva y TDE. Pronto TDE losaka un vacatura di director pa cu e fundacion. Pues keda pendiente. Den luna di maart TDE tambe lo conoce un cambio den localidad y lo ta situa temporalmente na Belgiestraat 2, Oranjestad. Edificio di Departamento di Asuntonan Social (Edificio blauw di glas entre Arvefa y Drive-thru Wendy's). TDE ta duna un danki



di curason na e boluntarionan di e directiva, su empleadonan, na tur organisacion cu ta colabora di cerca cu nan, na tur estudiante cu a stage, na prensa cu semper t'ey
23/02/2024

Press release

pa nan y tambe especialmente na e comunidad di Aruba pa e confiansa brinda na e fundacion. Si bo tin cualkier pregunta, bo ta sinti e necesidad pa papia, e necesidad pa

un profesional scucha bo, duna bo sosten y conseho tocante educacion di mucha (nan) of hoben (nan); por yama 161 (completamente gratis). Tambe por comunica cu TDE via nos pagina di facebook Tienda di Educacion of via email: info@tdearuba.com. -Educa, lanta un mucha, apesar cu nos ta haci esaki tur dia, no ta facil pero cu amor, guia y sosten necesario sigur hunto nos ta logra-

OPINION

LEGALISA OF NO LEGALISA ?

Na Aruba , nos tin personanan cu ta inscribí (=legal) na CENSO y nos tin personanan cu NO ta inscribí (=ilegal) na CENSO , entre otro tur e turistanan cu ta bishita Aruba.

Aruba tin mas persona "no-inscribí" (=turista y otro nan) cu ta biba TEMPORARIO na Aruba , cu Aruba tin persona "inscribí" na Censo cu ta biba PERMANENTE na Aruba.

Ta bon pa menciona si , cu tur persona - sin excepcion - , cu ta temporario of ta permanente na Aruba , ta gasta placa pa biba/come y consecuentemente nan tur TA PAGA BBO=BELASTING na Aruba !

Cierto politiconan di Aruba y nan compinchinan , ta blo propaga pa legalisa (di un of otro forma) e personanan cu a drenta y a keda Aruba sin permiso di forma ilegal.

Nada contra pa busca solucion !

Nan unico dos argumentonan - no mucho fuerte - ta :

1. falta trahado y por usa e actual ilegalnan (como si fuera nan no ta trahando na Aruba !) cu ta na Aruba ;
2. nan (=e ilegalnan) e ora lo aporta , di forma legal (algito ,no mucho tampoco ,pasobra ya nan ta aportando caba cu BBO = belasting) na caha di Gobierno y na caha di AZV.

Un posibel solucion pa integra e actual ilegalnan di forma oficial den economía di Aruba lo por ta :

- bin cu un registracion apart (no "inschrijving" oficial !) pa e actual ilegalnan (na Censo/Gobierno !) , BOU CIERTO CONDICIONNAN , combina cu un permiso di trabou pa un cierto cantidad di año ;
- mara e permiso di trabou pa e actual ilegalnan na un seguro (di sector priva) cu ta cubri gastonan di enfermedad y riesgonan personal di un ilegal.

Por habri e posibilidad pa "legalisa" (= "inschrijving"/ inscribí den registro oficial di Censo) un "ilegal cu permiso" , despues di 5 año , si e ilegal den e 5 añanan ey a comporta su mes bon y no a actua contra leynan penal di Aruba.

Si no kier sigui e sugerencianan ariba menciona , Gobierno por considera pa habri BOU CIERTO CONDICIONNAN Y EXIGENCIANAN e posibilidad pa "legalisa" e ilegalnan cu ta na Aruba awor aki (=2024) y cu por proba di a biba - sin interrupcion - e ultimo 5 añanan na Aruba.

Aruba NO POR PERMITI - pa motibo di espacio y orden - pa mas ilegal sigui drenta y keda biba permanente na Aruba.

PA PENSA ARIBA SIN MIEDO !

PONENCIA DI MIKE DE MEZA

RIBA GAS Y REPSOL TA ROBES: ATROBE UN GRAN LOLEIS

**Partido MEP y Nel Oduber ta tata di CAP,
funda dia 15 mei 2006**

Recientemente por a sucha declaracionnan haci pa Mike de Mesa, unda aparentemente e no ta nada contento cu tin un compania nobo cu yama Amstrong, cu ta haciendo sondeo nobo den awa di Aruba pa gas y petrolio. Es mas, recientemente Minister Glenbert Croes a anuncia cu nan a haya indicacionnan cu tin 3 pos di gas/petrolio na costa pariba di Aruba, basta pariba.

Mike de Mesa den un forma di hopi jaloezi a bin padilanti pa reclama esaki pa AVP, cu ta un proyecto di AVP. Mas lew el'a bisa cu ta Gobierno di MEP a core cu Repsol. E ponencia aki ta totalmente robes, paosbra Repsol a termina e proyecto na Aruba, pa falta di placa y interes, unda nan no a haya un partner



e momento ey pa sigui haci mas test.

E carta un Repsol a manda termina nan trabaonan na Aruba ta existi y ta menciona esey preto riba blanco. Pues, con ta posibel cu e Loleis atrobe ta bin dilanti pa expresa semehante mentira?

Un otro ponencia ta cu e proyecto ta di AVP: Porfavor "wanta e loco ey"!

Ta gobierno di Nel Oduber ta fundador di CAP, un compania di petrolio Arubano, cual su meta ta deal cu cualke posibel hayasgo di gas o petrolio den awanan teritorial. Gobierno di Aruba ta 100% doño di CAP. CAP a keda funda dia 15 di Mei 2006 pa Sr. Nelson Oduber y su Gobierno. Pa esnan cu ainda kier pidi prueba, nan por subi camara di comercio libremente.

Pues, atrobe Mike de Meza kier briya cu pluma di otro, kier hasi su mes interesante, kier rebaha MEP pa hisa AVP, siendo cu e historia ta skirbi.

Sinembargo nan ta bisa: Once Loleis, Always Loleis. Nada cu sali di Mike de Meza su boca, ta basa riba declaracion sincero.

TURISTA AMERICANO BAO INFLUENCIA CU A DISCUTI CU SU PAREHA Y YEGA TE AGRESION A SER DETENI Y TA INSULTA MUHERNAN AMERICANO

Diahuebs anochi a drenta informe di un pelea di pareha turista na un hotel den Oranjestad, mesora a dirigi un patruya na e sitio. Na yegada di e patruya a bin compronde cu un homber turista americano bao influencia tabata tin un discucion cual a escala y a termina unda e homber a agredi su pareha.

E muher a denuncia e agresion y polis a detene e homber. E homber tabata bao influencia y tabata insulta e muhernan americano pero tambe tabata expresa su respet pa polisnan di Aruba!



Minister Endy Croes:

PRONTO LOTTO PA DEPORTE LO TA BOU DI MANEHO BEK DI FUNDACION LOTTO PA DEPORTE ARUBA

: Recientemente, Minister di Enseñansa y Deporte Endy Croes a reuni cu Sr. Junny Figaroa, kende ta e director actual di Fundacion Lotto pa Deporte Aruba (FLPD). Durante e reunion aki, Sr. Juni Figaroa a trece algun novedad en cuestion e traspaso di Lotto pa Deporte pa Fundacion Lotto pa Deporte y den esaki ricibi Jaarrekening cu ta di vital importancia pa e traspaso tuma luga.

Jaarrekening 2020 a keda cla na final di december 2023.

Sr. Figaroa a indica cu ta trahando duro pa finalisa Jaarrekening 2021 den e luna di februari y den e luna di maart termina Jaarrekening 2022. Banco ta den espera di esakinan pa asina haci e traspaso di CBN Aruba y CBN pa Fundacion Lotto pa Deporte Aruba

bek. Sr. Figaroa a duna un splicacion amplio di e proceso y tur e trabounan cu a tuma luga riba nivel di e comision cu ta trahando riba esaki, basa riba un contract cu ya ta firma caba desde inicio di año 2023.

Asina cu cumpli cu tur Jaarrekening, ta actualisa cu tur banco y cumpli cu tur locual a palabra den e contract, Canadian Bank Note (CBN) y CBN Aruba



por haci traspaso di e operacion completamente den man di Fundacion Lotto pa Deporte bek. Finalmente, e mandatario di Deporte a indica cu

e tabata un tremendo reunion, unda a haci algun palabracion concreto pa e traspaso di Lotto pa Deporte tuma luga dentro di poco.

RAPERO BIGIDAGOE DI AMSTERDAM TIRA MATA


Un homber a wordo tira mata na Amsterdam. E ta e rapero Bigidagoe, di 26 año.

E tiroteo tabata diadomingo mainta rond di 5.30 den un parke empresarial na Sloterdijk, un vocero di polis informa. E victima a wordo transporta cu heridanan grave pa hospital, unda el'a fayece.

Polis ta investigando e tiroteo. Ningun hende a

keda aresta ainda.

Bigidagoe tabata forma parti di e formacion di rap Zone6 di Amsterdam-Zuidoost. Varios miembro a cay den man di husticia. Bigidagoe mes, kende su nomber berdadero ta Danzel Silos, tambe tabata suheto di un demanda. Na december, e fiscal a exigí cuatro año di prison pa su participacion den e secuestro, menasa y abuso di e rapero rival Kobus l. Ainda no a yega na un



veredicto den e caso.

Na augustus 2020, Silos tambe a wordo tira mata na Rivierenbuurt na Amsterdam.

Poco despues, e rapero a lansa un cancion tocante e tiroteo.

E famia di Silos a bisa cu nan ta conmociona pa su morto y cu nan ta warda e investigacion di polis.

Bigidagoe ta un rapero cu ta wordo considera un "drillrapper". Su letranan ta bay riba uso di violencia contra gang rival y glorificacion di crimen.



"Drill rapper" hopi biaha ta menasa otro gruponan di rap via videoclips y rednan social. No ta conoci si tin un coneccion cu morto di Bigidagoe.

Debi na e violencia

den e mundo di rap di drillrapper, e alcalde di Amsterdam, Halsema, a anuncia di a prohibi rappernan di graba y distribui video musical di e tipo ey den e kapital.

CUENTA DI BANCO PA HACI PAGO DI ABONNEMENT ONLINE

Accountname: **Sunmax Printers**
Adres: **Sta. Cruz 110** Bank: **RBC**
Account number: **77 00000 100152447**



MINISTER ENDY CROES A RICIBI E STUDIANTENAN DI COLEGIO EPI, EN CONEXION CU NAN PROYECTO DI BURGERSCHAP



Recientemente den un esfera ameno, Minister Endy Croes hunto cu Prome Minister Evelyn Wever – Croes y Minister Rocco Tjon a ricibi bishita di varios estudiante di Colegio EPI. E hobennan a entrevista diferente minister y politico en conexion cu nan preparacion pa e presentacion di e materia di Burgerschap.

E studiantenan tabata hopi bon prepara pa e entrevista cu preguntanan hopi interesante relaciona cu enseñansa. Algun di e pregunta tabata, entre otro, e estructura di cuidu y e problematica di “drop out” na scol. Pa conclui, Minister Endy Croes ta gradici e alumnonan pa nan bishita y ta deseanan hopi exito cu nan proyecto!



POLIS A CORE BAHA WANTA UN AUTO SIN CHAUFFEUR PA EVITA CU E A DAL OTRO AUTO



Diabierna madruga durante patruya den parkinglot di The Village polisnan a nota un auto sin chauffeur su so ta bayendo atras pa dal un auto, polis a reacciona rapido y a core baha bay wanta e auto y a logra evita un impacto. Polis a pone un obheto na e wiel pa esaki no sigi bay patras. Polis a busca tur manera pa haya sa di ken e auto ey ta ya cu esaki a keda den caminda

Career Opportunities

Caribbean Mercantile Bank N.V. a member of the Maduro & Curiel's Group of banks, in order to accommodate growth and to better service our existing customers, is taking applications for the position of:

MERCHANT REPRESENTATIVE – BANK CARD SERVICES

The Merchant Representative is the face of the Bank in acquiring services and makes an important contribution to merchant satisfaction by providing prompt, efficient and courteous service to merchants of the Bank.

The Merchant Representative installs and services POS software and hardware and works with PC software systems to maintain a merchant POS database. The incumbent should master the set up and maintenance of Point of Sales terminals (POS) and perform necessary activities that guarantee optimal service and minimize losses for the Bank. The Merchant Representative is responsible for providing excellence in customer service and support to the Bank's Merchants, by email, phone, and most of the time face to face.

The Merchant Representative has detailed knowledge of the Visa/MasterCard/Discover/Amex and Maestro products and regulations, can explain the Card Acceptance process to the merchants and provides advice and counsel as needed. Additionally, the Merchant Representative is able to adapt to the changing technical environment inherent in the world class Card Acquiring Services and fosters customer loyalty by providing excellent customer service to CMB's merchants, assisting with inquiries, concerns and solving any card acceptance issues while following the Bank's policy and procedures.

Professional requirements:

- MBO education level, preferably in administration
- Minimum three (3) years' experience in a similar position or position requiring client handling and exposure to customer service.

Candidate Profile:

- Expert communication skills including fluency in English, Dutch, Spanish and Papiamentu.
- Excellent customer service and time management skills in order to satisfy the needs of a large client group.
- Thorough business acumen skills and the ability to handle all client matters in a confidential and professional manner.
- Strong interpersonal skills and the ability to maintain composure during difficult circumstances.
- Punctual, self-motivated and a team player.
- Expert PC skills using common software tools to access and communicate within the Bank (Word, Outlook, Excel, PowerPoint).
- Display and maintain a high degree of integrity.

Caribbean Mercantile Bank N.V. offers a challenging and productive work environment where teamwork and a positive attitude are vital, a workplace with growth possibilities and where dedication is rewarded by an excellent remuneration package.

Interested applicant can submit their cover letter and resume accompanied by any other document that might be deemed important to the attention of the Human Resources Department at: HR@cmbnv.com by February 28, 2024.

THE ARUBA INVADERS AGRADECIDO PA E RESPALDO Y APOYO RICIBI!



Tabata un honor y placer inmenso di por a forma parti di e gran celebracion di nos di 70 aña di Carnaval durante e ultimo 4 gran paradanan di Carnaval. E tabata un orguyo pa sigui cu e legado cu entre otro nos tata James Edgar Connor den feliz memoria, a laga nos cune.


Pa nos e tabata un honor tambe di por a logra haya integrantenan di otro gruponan di steelpan di otro districtonan di Aruba pa uni na nos orkesta. Ta keda na nos awor pa sigui cu esaki pa nos futuro generacionnan. Den number di henter e team di The Aruba Invaders Steel Orchestra cu a traha incansablemente pa por a brinda Aruba henter e 4 paradanan aki, nos kier a gradici Aruba Tourism Authority pa e respet y honor brinda pa permiti nos habri e paradanan aki den nan number.

Tambe nos kier gradici henter e ekipo di Go Cultura kendenan a sa di lidera henter e proceso aki desde inicio te cu fin. E team di Elite Productions y tur esnan cu a forma parti di e proyecto aki.

Alabes, mi ta desea di reacciona y aclarea riba un publicacion cu a sali den matutino Diario riba diaranson 14 di februari, cu e titulo: "Ta haci setup na e grupo di steelpan ora Parada ya a cuminsa", ya cu mi ta haya cu e ta hopi di lamenta cu a laga nos grupo den un spot masha fastioso mes, mirando cu un dia despues, durante Parada Grandi di Oranjestad, nos a ricibi un bunita reconocimiento for di Aruba Tourism Authority pa e esfuerzonan cu nos ta bin ta haciendo pa loke ta trata steelpan na Aruba. Hopi bes nos tin e tendencia di core saca nos propio conclusionnan sin busca prome kico a pasa en realidad, prome cu core publica algo.

Ta asina cu riba 10 di februari, diasabra mainta trempan, ya caba tabata tin varios instrumento cu nos a logra setup riba e trailer musical for di e diabierna prome pa asina diasabra sali trempan pa e parada na San Nicolas. Na momento cu e trailer musical tabata den proceso di transporte for di Harbor Arena na Oranjestad direccion pa San Nicolas pa por set up pa Parada Grandi di San Nicolas, pa descuido humano y debi cu algun stand di steelpan no tabata bon fortifica na e trailer musical, algun steelpan a sali cay for di e trailer aki, cu consecuencia cu algun steelpan a sufri dañonan considerable.

Desde 8'or di mainta, manera palabra cu Go Cultura Foundation, nos musiconan tabata presente cu yen di animo den nan uniform cla pa cumpli cu e palabacion haci. Lastimamente e incidente/ accidente aki cu tabata for di



nos control, a pone cu ami como lider di grupo mester a busca un solucion liher y practico y un forma di reemplaza e steelpan daña, cu steelpan cu ta den bon condicion. Esaki a tuma mas tempo di loke nos a planea ariba, sin conta tambe e trafico inmenso cu tabata tin riba e mainta aki.

Como consecuencia, pa por cumpli cu compromisonan y palabacionnan haci, y tambe pa por cumpli lo mas trempan posibel, mi mester a desvia y busca mas steelpan na nos deposito. Door di esaki, tabata tin e coremento bay bin na principio di e parada grandi na San Nicolas. Asina mes nos a logra cuminsa toca ocho minuut despues di 10'or pa e publico tambe cu tabata wardando for di e principio di e ruta di carnaval.

Sr. Edjean Semeleer, representante di Go Cultura Foundation cu a lidera ehecion di e proyecto aki tabata pendiente di esaki tambe, documentando, sacando potret y filmando video di tur loke tabata sosodiendo. Sr. Semeleer a pone hopi presion pa nos cuminsa toca lo mas pronto posibel, pero tambe el a pone hopi atencion na e timing pa asina por tin esaki documenta ta ki ora The Aruba Invaders Steel Orchestra a cuminsa toca.

Nos kier pidi nos disculpa na comunidad di Aruba, na SMAC, na Aruba Tourism Authority y na Go Cultura Foundation cu riba e dia aki nos no por a cuminsa net na ora,

debi na e acontecimiento inusual aki cu tabata for di nos control, pero nos a percura pa compensa esaki door di tuma menos breaks durante e Gran Parada di San Nicolaas. Nos disculpa un bes mas pa cualkier inconveniencia cu esaki por a causa.

Alabes nos kier gradici tur hende inmensamente pa e bon recepcion cu nos a ricibi. Nos ta gradici tur hende pa tabata pendiente di e proyecto aki, incluyendo e fotografo cu a documenta e momento desafortuna. E momento aki semper lo keda den nos memoria como un simbolo di desafio, esfuerzo maximo y superacion pa logra un meta.

Nos no tin palabra pa gradici tur hende pa tur e apoyo y sosten cu nos tur a ricibi durante e 4 paradanan cu nos tabata tin e honor di por a habri.

E experiencia excepcional aki tabata tin un impacto profundo riba nos tambe cu a brinda un homenahe na e historia di Aruba su carnaval. Ta dificil pa splica e impacto aki cu palabra. Especialmente pa e adolescentenan cu a forma parti di e proyecto aki como musico, esaki tabata un experiencia cu a impacta nan di un forma sumamente positivo.

Danki Aruba!

Atentamente,

J.E.L Connor

Lider "The Aruba Invaders Steel Orchestra"

✦ ✦ ✦

weganan

Interinsular

APERTURA

Fecha: 1 di maart 2024

Ora: 9 AM – 10 AM

Luga: Compleho Deportivo Frans Figaroa (Aruba)

Bo(so) presencia ta altamente aprecia.



Ministerio di Enseñansa y Deporte



PERSECUCION TRAS DI MOTOCICLISTA A TERMINA CU DETENCION Y A CONFISCA 2 SCRAMBLER NA TAKI LEENDERT



Diabierna atardi a drenta un unidad di brigadamotorisa a nota un motociclista sospechoso na Ponton, mesora ela bay su tras pa par'e pero esaki a sigi core ignorando e instruccion policial y a

start un persecucion a core varios caminda na Tanki Leendert y Sero Patrishi unda a logra ser'e y par'e ela core baha na pia pero polis a logra gar'e na su cas y a confisca 2 scrambler.

AUTO A PASA DAL PALO DI LUS KIBRA BANDA DI ARASHI Y A SIGI CORE BAY



Diahuebs anochi a drenta informe di un accidente banda di Arashi, mesora a dirigi un patruya na e sitio. Na yegada di e patruya a bin compronde cu un auto

di marca KIA a dal e palo di lus kibra y a bandona e sitio. Polis a piki e partinan di e auto y ta pasa esakinan pa trafico bay investiga.

DMH PRESENTE NA E REUNION FINAL DI PROYECTO #ACT4ECC CU FONDO EUROPEO



Recientemente Departamento di Mucha y Hoben (DMH) tabata invita pa dos dia di reunion relaciona cu e proyecto cu fondo Europeo; ACT4ECC (Awareness raising and Capacity building Toolkit for European and Caribbean children) na Corsou. DMH tabata bon representa pa Sue-Ann Ras, Jullie-Ann Thode y como un profesional di veld invita, Cinthia Quant, cu tabata hopi involvi como profesional den henter e desaroyo di ambos herment pa Aruba.

Tabata un programa

intensivo for di e oranan di mainta te atardi, unda cu DMH, UNICEF Hulanda, Ministerio di Desaroyo Social, Labor y Bienestar di Corsou, Universidad di Curacao, Augeo Foundation a enfoca riba henter e proceso di desaroyo di e toolkit y revista digital di Aruba y Corsou.

Durante e dos dianan di reunion final aki a enfoca riba e topiconan manera; e metanan di e proyecto, strategia di comunicacion y diseminacion, e siguiente pasonan, intercambio di experiencia, conocimiento y sostenibilidad di e toolkit

y e revista desaroya dentro di e cuadro di proyecto ACT4ECC.

Diaranson anochi, DMH tabata invitado special na lansamento di Corsou su Toolkit digital; Kodigo di Protekshon y su revista digital, cu ta carga e titulo di: Kurashi, cu tin como meta crece den un ambiente sigur y preveni abuso di mucha y violencia relacional. Peculiar ta cu e number di e revista; Kurashi, tabata iniciativa di un grupo di Hoben, cu ta refleha loke nan ta desea pa e profesionalnan para p'e: curashi, perseverancia, durf y poder mental y moral. Mas ainda, cu e palabra curashi, no ta solamente p'e victimanan di abuso di mucha y violencia relacional, sino tambe p'e profesionalnan pa nan durf di atende un caso y durf di señala.

DMH ta wak bek como dos dia hopi fructifero y intensivo. DMH a haya oportunidad di presenta incluso e forma con ta acumulando e datonan awor via Google Analytics, cu lo dirigi na un forma hopi mas structura y directo di e toolkit y revista. Tambe DMH a comparti



e excelente trabou haci di nos profesionalnan di veld, pa tin un toolkitCodigo di Proteccion cu e temanan y contenido netamente local y relevante como tambe un revista; Asertivo, unda cu ta highlight e gran trabounan

cu nos profesionalnan ta haci diariamente. Un oportunidad excelente pa discuti y contribui na un futuro colaboracion mas estrecho entre e partnernan di Aruba y Corsou relaciona cu e



MINISTER ENDY CROES A BISHITA EXPOSICION VISUALISANDO DICHO Y PROVERBIO, EN CONEXION CU DIA INTERNACIONAL DI LENGA MATERNO



En conexion cu Dia Internacional di Lengua Materno riba 21 di februari, Minister di Enseñansa Endy Croes y colega Minister di Cultura Xiomara Maduro a atende exposicion Visualisando Dicho y Proverbio cu a tuma luga na UNOCA. Un bunita exposicion, unda rond di 55 mucha di alrededor 33 scol basico a presenta nan pintura y proverbio. Minister Endy Croes a hiba palabra y a enfatisa riba e importancia pa tin bon dominio di lenga materno. Lengua materno ta e prome idioma cu un persona ta siña durante su crecemento. Momento cu un persona ta domina su lenga materno adecuadamente, ta enrikece su propio identidad cultural. Segun investigacion, ora cu un persona ta domina su lenga materno, esaki ta trece varios efecto positivo cognitivamente. Un mucha por siña otro idioma hopi mas lihe, momento cu e tin bon dominio di su lenga materno.

Ta celebra Dia Internacional di Lengua Materno cu e meta di stimula diversidad lingsuistica, cultural y multilingual. Aki na Aruba nos ta celebra e dia aki pa promove nos dushi Papiamento y pa trece consciencia den nos comunidad tocante e importancia di tin un bon dominio di nos lenga materno. Tambe pa resalta e importancia pa un mucha siña den su propio idioma na scol. Globalmente, 40% di poblacion no ta haya les den e idioma cu nan ta papia of comprende. Segun The United Nation Education and Scientific Cultural Organization (UNESCO), un mucha cu ta siña den e idioma cu nan ta papia na cas, tin 30% mas probabilidad pa lesa cu comprension den comparacion cu esnan cu no ta papia e idioma di instruccion na cas.

En cuadro cu recomendacion 2 di e rapport Doorlichting van het Arubaanse Onderwijsstelsel, lo introduci Alfabetisacion na



Papiamento e aña escolar binidero, unda cu tur alumno di klas 1 di scol basico di Aruba lo siña lesa y skirbi na Papiamento. Pues, esaki ta un gran logro pa enseñansa di Pais Aruba.

Durante e discurso, Minister Endy Croes a pidi pa hunto enrikece y sigui siña nos futuro generacionnan pa mantene nos idioma materno Papiamento bibe. Como un pais multicultural y multilingual, nos ta duna balor na tur idioma, pero ban sigui haci esaki sin laga nos idioma

materno atras, cual ta forma parti di nos identidad. Ban celebra Dia Internacional di Lengua Materno en grande y sigui promove y aprecia nos idioma Papiamento.

Finalmente, Minister Endy Croes a felicita UNOCA, UNESCO y Fundacion Lanta Papiamento pa organisa e tremendo exposicion Visualisando Dicho y Proverbio, en conexion cu Dia Internacional di Lengua Materno y a gradici tur esnan cu a contribui den e desaroyo di nos dushi idioma Papiamento.

Otmar Oduber ta coregi informacion, no ta Griffier di Staten sino e IT a haya rason cerca hues

MARISOL TROMP NO TA UN FIRST OFFENDER Y A WORDO CASTIGA DEN CASO DI SU MENTIRA CONTRA CRIS DAMMERS TAMBE

Otmar Oduber a coregi informacion duna. E ta referi aki na su declaracion cu Marisol Tromp no ta un first offender, y ta sostiene cu e persona aki a gaña husticia hopi biaha. En berdad, el a menciona persona robes, en bes di e Griffier tabata e IT di Parlamento cu a entrega un keho falso contra dje. “Mi ta pidi disculpa pa e equibocacion aki. Pero e cuestion ta cu no ta berdad, a menciona un persona/posicion robes. Marisol Tromp a gaña Ministerio Publico den e caso di Chris Dammers, pa cual el a wordo catiga, e mester a paga boet y tabatin 2 año condicional. Tambe den e caso di e IT di Parlamento a traha un rapport cu a resulta di ta totalmente falso contra e persona aki y cu ademas a wordo retira for di trabou. E persona aki a bay corte y a gana su caso, hues a bari e rapport

for di mesa, e persona mester wordo poni bek na trabou y ta cobrando atrobe”.

Tambe el a menciona cu Marisol durante 2 año a wordo investiga como sospecho den dos caso a base di un acusacion cu a wordo haci door di director di DIP e tempo ey, contra su mesun minister. Esaki mientras cu e tabata sinta den Parlamento sin cu ningun hende tabata sa di dje.

Mientras tanto, e mesun señora aki awo kiertilda un comisario di polis si el a pasa cu ‘veiligheidsdienst’ of no. “Mi ta contento cu hefe di polis a bin dilanti di biaha y bisa cu el a pase no solamente na Aruba, pero na Hulanda tambe. Esaki ta muestra cu e politico aki ta biba di gañamento, parse cu e ta un mitomano, un metiroso patologico.

E mesun persona aki a bay OM entrega 25 keho contra Otmar Oduber y a resulta cu 23 di nan a wordo bari for di mesa y den corte lo muestra cu e 2 ambtenaarnan fantasma cu ta wordo papia di dje tambe ta un mentira.

Ta parse cu Marisol Tromp no ta siña di su foutnan di dañu number di hende pa despues e persona tin cu bay lucha den corte manera cu a pasa cu Sr. Dammers y e IT di Parlamento. Pero di otro banda, e no ta bisa berdad na pueblo di Aruba cu e tabata sospechoso durante 2 año largo.

Otmar ta recorda con ora mester a nombra Marisol Tromp minister, su screening a dura practicamente 3 luna, a keda casi 2 luna cu Minister President mester a ocupa posicion cu Oduber a laga como minister di Infraestructura, pasobra



Sra. Tromp no por a pasa e screening, pasobra e tabata debe belasting. E tabatin propiedad cu pa mas cu 10 año e no a paga belasting, a rabia y pleita ora nan kier a cobre un par di 100 mil Florin.

“Mi ta puntra mi mes ki ehempel bo ta? Cu ki moralidad awe bo kier bay cuestiona si un hende a pasa un screening, si

abo no por a pasa un, pasobra bo a keda debe cientos di miles di Florin cu bo no a paga e tempo ey riba propiedadnan cu bo tabatin. Lagando pasado un banda, por mira cu su actitud no a cambia, el a keda cu e actitud di kier gaña hende, manipula hende y dañu number di hende”, Otmar Oduber a finalisa.

CHAUFFEUR NO A REGULA SU VELOCIDAD NI A MANTENE DISTANCIA A BAY DAL TRAS DI UN AUTO DI POLIS K9

Diabierna mainta a sosode un accidente banda di Weng Kee na Piedra Plat, ta trata di un accidente unda e chauffeur di un Dodge Journey no a regula su velocidad ni a mantene distancia a bay dal tras di un auto di e unidad K9 di polis.

Afortunadamente ningun hende a resulta herida.



E BON NOTICIA

HENDE DIVORCIA Y NAN TA BIBA CU OTRO PERSONA DEN ADULTERIO Y NAN TA KERE CU NAN TA SALBA

Boso no sa, cu unabes cu boso ta casa pa Dios den e Sacramento di Matrimonio, boso ta keda casa pa Dios te na morto y Dios no ta reconoce divorcio. Awor, si boso a divorcia y boso ta biba cu otro persona, anto ta con boso por yama boso companjante, esposo of senjora, maske cu boso ta casa pa raad? Boso no tabata sa cu boso ta bibando den e pika condenabel di adulterio? E pika di adulterio ta condenabel pa Dios y na tur esnan cu muri den nan pikanan di adulterio, nan lo no drenta den e Reino di Dios y nan destino final ta den fierno. Mester compronde cu e di 6 Mandamento di Dios Tata ta bisa bon cla: “Lo bo no comete e pika di adulterio.” Lesa den Bijbel Mateo 5: 32, na unda Senjor Hesus ta adverti bon cla: “Ami ta bisa boso: Ken cu divorcia di su senjora, si no ta pa motibo di infidelidad, e ta pone su senjora comete adulterio. Es cu casa cu e senjora divorcia, e tambe ta comete adulterio.” Akinan nos por compronde bon, si un homber divorcia di su senjora, anto e ta provoca su senjora di bay biba cu un otro persona den e pika di adulterio. Akinan e homber cu a divorcia di su senjora, ta keda responsabel di su senjora cu el a divorcia.

Na e dia di huicio dilanti di e tribunal di Dios Tata, e homber y e muher tin cu duna cuenta di nan actonan di infidelidad, di divorcio y di adulterio. P'esey e pareha mester uni bek, pa nan ta salba.

Les den Bijbel Marko 10: 6-9 : “Na principio di creacion, Dios a traha homber y muher, p'esey e homber lo laga su tata y su mama pa e uni cu su muher y nan dos lo bira un solo curpa. Di manera cu nan no ta dos mas, sino un solo curpa. Pues loke cu Dios a uni, no ta permiti pa hende

separa.” Esaki ta e Sacramento di Matrimonio di Dios den Misa, na unda cu Dios ta uni e pareha den un solo curpa, pa medio di un sacerdote y cu dos testigo. Tambe bo por compronde, cu Dios no ta reconoce divorcio, maske cu e pareha a divorcia pa Raad, pa Dios nan ta keda uni te na morto. Si e pareha a divorcia pa Raad y a separa, anto nan mester laga e caminda habri. Esey kiermeen, cu nan no mester busca ningun otro persona den nan bida. Pasobra, e union di un solo curpa ta inkebrantabel y tambe pa e pareha separa por uni bek, pa nan no cay den e tentacion di sexualidad cu otro persona den adulterio. Boso no a hura pa Dios dilanti di altar, cu boso lo keda fiel den bon tempo y den tempo di adversidad, den tempo di abundancia y den tempo di pobresa, den tempo di salud y den tempo di enfermedad, den tempo di pas y den tempo di pleito y di stima otro manera bo mes y di keda fiel te na morto?

E pregunta ta, ta na unda boso humentonan a keda dilanti Dios? Laga nos lesa den Bijbel Mateo 5: 33, na unda cu Senjor Hesus ta bisa tocante huramento : “Tambe boso a tende loke a ser bisa na boso antepasadonan: Lo bo no kibra huramento y lo bo cumpli loke cu bo a huramenta na Senjor.” Akinan, boso no a huramenta dilanti di Dios den Misa, di keda hunto y fiel cu bo pareha te na morto? Den Bijbel Huan 4: 5-42, akinan nos por lesa, ora cu e muher Samaritana a pidi Hesus p'e haya e awa di bida eterna, p'e no haya sed di awa nunca mas, anto Hesus a bise'le, bay busca bo esposo y bin cun'e cerca Mi. E muher Samaritana a bisa Hesus, mi no tin esposo, anto Hesus a bise'le, bo tabata tin 5 homber y e homber cu bo ta bibando cun'e awor, no ta bo esposo. Akinan

nos por compronde cu e muher Samaritana ta bibando den e pika grandi di adulterio, pasobra ela divorcia di su prome casa, pa despues ela bay biba cu diferente homber den e pika di adulterio. Akinan tambe, Senjor Hesus ta bisa na esnan cu a divorcia y ta bibando den e pika di adulterio, pa nan bay busca nan senjora of nan esposo bek, pa nan por ta salba. Les den Bijbel 1 Corinthionan 6: 9 y 10: “Boso no sabi, cu e inhustonan lo no drenta den e Reino di Dios? No ganja boso mes, pasobra ni e fornicadornan, ni e adoradornan di diosnan falso, ni esnan den adulterio, ni e homosexualnan, ni e ladronnan, ni e burachenan, ni e blasfemadornan, ni esnan golos pa plaka, ni e abusadornan, nan tur lo no drenta den e Reino di Dios.”

Tambe den Bijbel Testament Bieuw Levitico 20: 10, na unda cu Dios Tata ta bisa: “Si un homber ta comete adulterio cu un muher casa di su prohimo, nan dos lo muri, e adultero y e muher adultera.” Akinan, e homber soltero cu biba companja cu un muher divorcia, e homber tambe ta ser condena den fierno, pa su pika di complice di adulterio cu e muher y kibrador di matrimonio, pasobra el a stroba e caminda di e muher.

Nunca no biba cu un persona divorcia, pasobra e persona divorcia ta keda casa pa Dios.

P'esey cambia boso bida prome cu ta laat, kita e baranka cu ta stroba boso, pa boso no ser condena den e candela di fierno despues di morto.

Seferino Tromp

Please pa publika.

**CAMBIA PERSPECTIVA
TOCANTE OBESIDAD:
SA BO NUMBER Y MIDI
BO PESO**



RESPET PA ESCOHEENCIA SEXUAL TA ANCRA DEN E ESPIRITO DE ARTICULO 1 DI NOS CONSTITUCION

Esaki no ta kita cu opinion y creencia religioso tambe mester wordo respeta

Otmar Oduber di Plataforma Nos Pais ta expresa cu e discusion cu tin na e momentonan aki riba matrimonio di mesun sexo, mescos cu den cualkier otro discusion, manera legalisacion di cannabis recreacional of medicinal, mester tene na cuenta cu nos ta biba den un estado di derecho democratico. Parlamento su mayoria ta dicidi riba cambionan di ley

cu ta tuma luga, problema ta cu e menasanan ta cay den coalicionnan manera cu ‘si no pasa mi ley mi no ta pasa bo ley’. Esaki a pasa den pasado pa loke ta trata e ley di cannabis y ta pasando awe pa loke ta trata e ley di 35 Dollar extra riba e turista. E ta trece esaki dilanti poniendo enfasis cu e ta un persona religioso, e ta catolico y ta respeta ley di Dios y religion. “Esey no

ta kita cu Otmar Oduber no ta respeta y atene su mes na leyman. Un ley cu independiente si bo ta catolico, religioso of no, bo mester respeta y biba segun su espirito. Den e ley ey mester tin espacio pa tur hende por convivi, independiente di nan inclinacion sexual, matrimonio di mesun sexo, esnan cu kier uza cannabis medicinal y tambe recreacional. E ultimo aki na un manera controla y tur mester ta vigente den nos leyman”.



PRONOSTICO DI TEMPO

PRONOSTICO DI TEMPO VALIDO TE DIALUNA 26 DI FEBRUARI 2024, 18:00 ORA

TEMPO:

AWE TARDI Y AWE NOCHI: PARCIALMENTE NUBLA Y GENERALMENTE SECO

DEN MARDUGA Y MAYAN: PARCIAMENTE NUBLA Y NO TA SPERA AWACERO DI IMPORTANCIA

TEMPERATURA MAXIMO 31 GRADO CELSIUS

UV INDEX: 10

BAHADA DI SOLO : 6:48 PM

SUBIDA DI SOLO : 6:57 AM.

BIENTO:

MODERA FOR DI DIRECCION OOST-NOORDOOST TE OOST- ZUIDOOST; FORSA 3 TE 4 (11 TE 30 KM/OR, 7 TE 16 NUDO). DEN DIA POSIBLEMENTE BASTA FUERTE DEN RAFAGA;

FORSA 5 (31 TE 39 KM/OR, 17 TE 21 NUDO).

AIRPORT : MAX 31 / MIN 25 / 0.0 MM

WESTPUNT: MAX 31 / MIN 25 / 0.0 MM

STA ROSA: MAX 31 / MIN 25 / 0.0 MM

PRONOSTICO DI TEMPO PA PROXIMO 3 DIANAN:

TE OOST- ZUIDOOST Y MODERA TE BASTA FUERTE.

POSIBLEMENTE FUERTE DEN RAFAGA.

TEMPERATURA (GRADO CELSIUS)


MAX / MIN LO TA: 31 / 26

DEPARTAMENTO METEOROLOGICO ARUBA DIADOMINGO 25 DI FEBRUARI 2024 17:00 (21:00 UTC)

HEAT INDEX DURING AND AROUND THE AFTERNOON

Otmar ta haya sumamente lamentabel cu cada biaha kier trece e polarisacion entre religion y ley. Si religion catolico ta bisa cu no ta kere den matrimonio di mesun sexo, e mester wordo respeta, mescos cu tur otro religion cu tin e pensamiento ey. Pero di otro banda tin leyman cu ta rigi pa tur hende y realidad ta cu nos consitucion den articulo 1 ta bisa cu tin cu respeta tur hende nan opinion, independiente di nan sexo, color politico y di unda nan ta bin.

“Eynan ta caminda mi ta kere nos tin cu ta sincera den e discusion unda tin cu bisa cu tin espacio pa tur hende por biba, respeta kico nan preferencia ta y permiti y dunanan espacio den ley pa biba segun nan pensamiento y cada un ta respeta e opinion religioso di cada un”, esaki ta pensamiento y opinion di Otmar Oduber.



	4	2	3	9	5		8	1
1			2		6			9
				4				2
8	5				2		9	3
2	3	7				1		6
9	1			3			2	8
				2				
3	9	9	4		8	2		7
	2		7	6	3		1	

2				6				8
	5						3	
	6				2			
4	7				3			
	1							
5	8	2	7				6	
								1
7			4			8		2

Parlamentarionan de Meza y Dowers di AVP: EXPLORACION DI POS POTENCIAL DI GAS Y AZETA TA PROYECTO DI AVP CU GOBERNACION DI MEP MES A PARA Y AWE KIER GAÑA Y CAMPAÑA CU NE

Tras e declaracionnan duna door di e actual Minister di Energia di Gabinete Wever-Croes II e siman aki riba e perforacion di pos potencial di gas y azeta den awa territorial di Aruba, parlamentario Mike de Meza a hay'e obliga di bin dilanti y desmenti varios punto erroneo cu Glenbert Croes deliberadamente kier mal informa pueblo pa su beneficio politico.

E ex titular di energia y actual parlamentario di oposicion tabata den Enfoke diabierna merdia hunto cu colega Arthur Dowers y a splica cu simplemente aki ta trata di cu campaña a cuminsa y MEP kier pronkia atrobe cu pluma cu tabata proyecto di AVP. Proyecto cu netamente bou di gobernacion di MEP mes a wordo para.

De Meza a indica cu, en berdad, Armstrong Oil & Gas ta un compania conoci mundialmente, pero esey tambe ta e unico berdad cu Glenbert Croes a papia den e asunto; e resto tabata locura. Un ehempel ta ora a papia di posnan nobo.

Segun de Meza, e dato cu gobierno di Aruba y Armstrong tin ta tur e dato di e proyecto di exploracion cu a wordo ehecuta bou gobernacion di AVP durante 2010 pa 2017. Ta e mesun posnan di noordoost pa cu noordwest cu Repsol y Total a descubri durante di Gabinete Mike Eman I y Gabinete Mike Eman II, esaki ta prome cu Gabinete Wever-Croes I a drenta gobernacion. "Ta mesun cos, nada nobo tin! No lubida cu na 2017, ora cu gobierno Mike Eman II a sali di gobernacion a laga tur cos cla pa haci proefboring. Ta durante gobernacion di MEP a para perforacion."

AVP pa shete aña largo a traha riba esaki. Ta AVP a bin cu Repsol y Total, a saca tur prospect positivo.

E tempo ey, Mike de Meza tabata e titular di energia pa Gabinete Mike Eman I y Gabinete Mike Eman II. El a splica cu ta cinco pos Repsol a descubri e tempo ey, cual ta e mesun cinco cu Minister Glenbert Croes ta papia di dje awo como cu si fuera ta algo nobo.

Tampoco ta berdad cu un di e posnan aki lo ta mes of mas grandi cu esun di La Perla na Venezuela, segun parlamentario de Meza. E parlamentario ta considera esaki como populismo y propaganda politico di parti di Minister Croes. De Meza ta kere cu esaki ta un asunto cu mester atende cu seriedad y laga experto papia i no hunga politica populista yena cu gañamento.

Loke a pasa cu e proyecto di exploracion ta cu bou di Gabinete Evelyn Wever-Croes I a para e proyecto. Pa e falta di boluntad di Gobierno di Aruba, seis aña a pasa bay y awo, na porta di eleccion, Gabinete Wever-Croes II ta bisa cu Armstrong ta bay continua cu e trabou.

"Bo mester tabata sinta cu Repsol, British Gas y Total anto muestra interes pa por a sigui cu e proyecto. E compania a hinca mas cu 80 miyon dollar den e proyecto den pasado caba. Un proefboring ta costa bo facilmente un 20 miyon extra, pero si bo no ta muestra ningun interes nada lo pasa. E companianan aki tin otro proyecto rond mundo cu ta sigui cu ne, pero si abo como gobierno no ta haci nada, nada ta pasa. Ta hopi trabou Gabinete Mike Eman I y Gabinete Mike Eman II a hinca den e proyecto exploracion pa gas y azeta di 2009 pa 2017, laga tur cos kant en klaar cu tur prospect probabilities super halto pa bay," parlamentario de Meza a declara.

E ta mesun storia cu a mira di



governacion di MEP cu otro proyecto, cu ta para, simplemente pasobra tabata un iniciativa di e gobierno di AVP. Sinembargo, ta reconoce e balor cu tin y awor kier haci uzo di dje pa core campaña. Tur e añanan aki, nan a perde tempo y recurso di pueblo papiando cu Ecuador pasupuestamente haya Fuel Oil substancialmente mas barata, of manera a duna instruccion na un compania Mericano pa wak si WEB aki na Aruba por opera riba "energia nuclear". Parlamentario De Meza: "Ora bo scucha e cosnan aki bo tin cu hari, paso ta locura. MEP tabata kier a bin cu un Hydrocable for di Colombia cu tabata un proyecto spirito, despues MEP a papia di NLG cu inversion biyonario for di Merca, despues un Hydrogen Valley cu un compania di Spaña y nada a pasa, a papia di Ecuador nada no a pasa, tambe Quantum cu lo a hinca 3.5 biyon dollar den e refineria di Aruba pero esaki tambe a haya un morto natural. Awo segun MEP ta Venezuela ta bay subsidia Aruba cu HFO. Pero tambe MEP lo kier uza energia nuclear na WEB". Con serio bo por ta como un gobierno cu tanto engaño y storia fantasma of populista?, e parlamentario ta puntra.

Den tur e locuranan ey, e unico sigur ta cu varios hende a cobra cen duro, segun parlamentario Dowers

primintiendo cu AVP lo investiga finder's fee y tur e cosnan ey ya cu Partido MEP ta den su way out y si e ciudadano kier claridad di kico a pasa cu su placa y pakico e ta wordo castiga di e forma aki, anto e mester vota AVP. "No tuma e riesgo di un fly by night paso tin chens cu nan lo scoge y a bay goberna cu MEP. Pone un partido serio na poder cu un bon track record. Nos no ta priminti y keda sin cumpli," el a bisa insistiendo cu mester investiga MEP pasobra no por ta posibel cu ta caba cu un deal cu Citgo, cu awo nan mes ta admiti cu e tabata tremendo. A laga 300 miyon florin di pueblo bay perdi y ningun hende a haya nada a cambio?!

Dowers ta convenci cu investigacion mester bin cueste loke cueste y e responsabilnan mester paga, financiera y penalmente. MEP a persigui hopi politico di AVP pa co'i loco! Pero e placa grandi cu a disparce durante gobierno di MEP mester bin bek den saco di pueblo pa e bay den scol pa e muchanan y den remedi pa e grandinan, entre otro. Gobierno di MEP ta papia di surplus, pero ta blo bashi pasobra e unico surplus ta loke MEP ta rancando di pueblo. "E momento ta yegando; cada dia mas cerca cu Evelyn Wever-Croes ta bay paga pa e picanan cu el a comete contra pueblo," asina e parlamentario di AVP a duna di conoce.

ORACION DI DIA



UN FELIZ SIMAN YENA CU BENDICION Y CU E MISERICORDIA INFINITO DI NOS BON DIOS.

Sea misericordioso, manera boso Tata ta misericordioso. Lucas 6,36

E Evangelio di Lucas ta ser yama tambe Evangelio di Misericordia. E ta revela un Dios misericordioso cu kier pa nos tin e mesun cuida y compasion manera E tawatin pa nos. Señor Bo ta misericordioso cu nos y nos ta resa pa ta tolerante y cu pasenshi cu e fayonan di otro, y cu esnan di nos mes, mescos cu Bo ta pa esunnan di nos. Ta facil pa cay den huicio y condena esnan cu ta parce di no ta cumpli cu nos normanan. Laga nos tin un actitud humilde contra otronan, caminda nos ta reconoce nos mesun fayoy limitacionnan, pa asina tin mas comprension pa otronan. Mare nos recorda tambe cu e manera cu nos trata otronan tambe lo ta e manera cu otronan lo trata nos. Si nos ta amoroso cu otronan, e chens ta grandi cu nos ta experiencia mundo manera un luga amoroso, y vice versa. E ta un gran realidad spiritual segun e evangelionan, cu nos ta ricibi loke nos duna. Mas nos duna mas nos lo ricibi.

Oracion: Señor, laga nos duna cu amor tur locual cu nos ta ricibi di Bo. Amen.

FORTALEZA PA FAMILIA

Scirbi pa Pastor Marcel Balootje.

AMISTAD CU MUNDO TA DECADENCIA SPIRITUAL

Si bo ta un persona cu ta stima Dios, cu henter bo alma, mente y bo curazon e siguiende advertencia ta bay na bo persona. Pero tambe si bo ta un persona cu ta duda den Señor, cu no kier arepentí, cu ta mas pega cu scuridad y malicia, y cu cosnan di Dios ta borring pa bo, pasobra bo interes ta den locual mundo ofrece, ricibi e advertencia aki den e amor di Cristo Hesus.

Tur bendicion cu bo mester pa bo bida bo cas y familia ta solamente den Cristo Hesus bo por hañe, no laga ningun hende gaña bo pasobra esaki no ta fanatismo religioso, pero e ta e puro berdad.

E palabra di Dios ta adverti tur hende mesun cos, esun cu tende y kere, reconoce y acepta Cristo Hesus como Señor y Salvador esey tin bida eterna.

E advertencia di parti di Dios ta lo siguiente:

Romanonan 12:2: Y no sea conforme e mundo aki, ma sea transforma pa medio di renobamento di boso mente, pa boso por comproba kico ta e bon, y agradabel y perfecto boluntad di Dios.

No ta tur cos cu ta briya ta oro, no ta tur locual hende scohe ta di Dios, e diabel ta un mentiroso y ta purba di tur manera, pa hende cay den su trampa mundano cu na final ta hiba hende fierno si no bini un arepentimento firme y genuino, y hende mester aparta di maldad.

Un hende cu sano huicio nunca lo scohe un bida cu ta contra boluntad di Dios.

Santiago of Jacobo 4:4 :Boso adulteranan, boso no sa cu amistad cu mundo ta enemistad pa cu Dios. Pesey ken cu kier ta amigo di mundo ta haci su mes enemigo di Dios.

Si un hende tin enemigo carnal, y manera nos tur sa cu tur esnan cu ta sirbi Dios tin un adversario cu yama e diabel.

Dios ta capas di defende nos contra tur

enemigo carnal y tambe spiritual cual ta e diabel.

Pero ora nos mes ta bay den tereno di e enemigo y ta busca amistad cu diabel, poniendo cara di Dios na berguensa, pasobra nos actitud y nos bida ta contra boluntad di Dios, nos ta bira enemigo di Dios.

Y un biaha mas nos ta remarca cu si no bini arepentimento genuino den nos bida y nos aparta di pica, nos a scohe automaticamente pa fierno.

1Juan 2;15 : No stima mundo, ni e cosnan cu tin den mundo, Si un hende ta stima mundo, e amor di e Tata no ta den dje. Pasobra tur loke tin den mundo, e deseo di carni, y e deseo di wowo, y e orguyo di bida, no ta bin di e Tata, sino di e mundo. Hende ta cay sera pa motibo di deseonan perverso.

Perde trabao pa motibo di golosidad pa placa.

Perde matrimonio, cas y familia pa motibo di Adulterio.

Perde integridad, dañá karakter y comportacion pa motibo di adiccion en general.

Esaki nan ta ehempel di stimamento cosnan di mundo..

1Pedro 2:9 : Anto Señor sa tambe con pa rescata e santonan for di tentacion y con pa tene e inhustonan

bao di castigo pa e dia di huicio. Y especialmente esnan cu ta sigi e carni den su deseonan corrupto y ta desprecia autoridad.

2 Corintionan 4:4 Den kende nan caso e dios di e mundo aki, a siega mente di esnan cu no ta kere, pa nan no mira e lus di e evangelio di e Gloria di Cristo. Kende ta e imagen di Dios.

No gaña boso mes. (Galationan 6:7). Sinceramente, Pastor Marcel Balootje.

Obituario

Publica serka nos anuncio di fayecimento di bo ser keri. Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera
Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na

585-9500 of na 741-4554

SABIDURIA DEN NOS ALEGRIA

Skirbi pa Ruth "Lady Ruth" Vrieswijk-Bergen



“speechnan” teni tawata bunita, interesante, inspirativo y berdad. Nos tin un dushi lenga materno cu no por pega sonjo.

E mester keda spierta, atento y bibo. Lady Ruth a topa cu hopi di nos dushi hendenan cu tin nos lenga materno na pecho, e.o. Ramon Todd Dandare, Astrid Britten di Biblioteca Nacional Aruba, Stan Dabian cu pa hopi ainda ketobay ta e cara y curason simbolico di Departamento di Cultura, awor gozando di su penshoen, pero activo den un of mas organisacion of fundacion.



Dia internacional di lenga materno a bin bay. Pero ela laga “footprints” di amor y creatividad atras e biaha aki den mas di 30 bunita cuadro pinta pa alumnonan di klas 6 di algo mas cu 30 scol, di SKOA y DPS.(Stichting Katholieke Onderwijs Aruba y Dienst Publieke Scholen).

E atencion a wordo poni cu hopi luzariba nos dichonan, nos proverbionan y nos expressionnan.

Y tur eski por wordo admira den e exposicion habri actualmente na Unoca den Stadionweg durante oranan di oficina of segun citanan hasi cu e team dinamico di Unoca. E exposicion aki por a wordo realiza danki na e cooperacion di Unoca, Unesco, FLP y Gobierno di Aruba. A parti pa e scolnan menciona un caha di traha, un caha conteniendo un canvas y tur material necesario pa a pinta un obra pa cada scol nan “6e

klas”. Na algun scol un alumno so a pinta e cuadro y na otro scolnan nan a pinta of den gruponan chikito di 3 of 4 mucha of hasta algun gruponan mas grandi, cu tur cooperando cu nan ideanan y colornan pa a forma nan cuadro unico y expresivo den un dicho, un proverbio of un expression na nos dushi idioma, nos lenga materno Papiamento. Un bunita anochi di apertura di e expo aki cu presencia di nos bunita Ministro di Cultura Xiomara Maduro, bisti tropicalmente den un bunita bistir color cora, e color di amor, nos ministro di Enseñanza, e cabayero Endy Croes, un representante di Unesco, e presidente di FLP (Fundacion Lanta Papiamento) y e director di Unoca mes den persona di e hende muhe inspira cu a traha riba hopi proyectonan e.o. nos dushi Dande tur fin di anja: lieve Ray-Anne Hernandez. E

Nos no por a keda sin saca potret cu Lieve mooie Olivia Figaroa, ketobay conosi tambe como e cara y curason di Biblioteca Nacional, aunke e tambe ta cu penshoen awor, pero, tambe activo den un of mas organisacion y of fundacion aki na Aruba, entre otro, e ta na cabes di e dinamico team formando e direktiva di Unoca, un hende muhe fuerte y inspira serio, cu sabidiuria den locual e ta hasi, pero cu gran sentido di humor, ora di algo pret cu harimento sin fin, Olivia ta hari te hik of te pega den, manera un di e dichonan of ta proverbionan tawata bisa den un di e cuadronan den e exposicion. Olivia, un di nos dushi hendenan cu tambe ta stima su isla, su famia, su cultura y su lenga materno.

Lady Ruth ta tribi yama Olivia e morocho simbolico di Astrid Britten di BNA, kende tambe tin un hari contagioso yen di alegria. Pues nan ta morocho den

nan alegria di harimento ! Hunto cu Lady Ruth ta forma e trio di alegria den harimento. Cu un danki na e demas miembronan di e team di Unoca, Lucacio, Marisol y Josephine cu ta haciendo e trabaonan cu Melany dfm a hasi y “Josie” ta traha tambe cu hopi amor y carino. Nos sa cu nos tur ta unico y nos tur ta hasi nos best den tur cos, sembra bon pa e cosecha tambe ta bon. Lady Ruth no por a keda pa e charla duna despues den patio di Unoca e anochi aki, (despues di e speechnan y algo dushi di come y bebe,) , pa motibo di otro compromiso, pero, ta sigur cu tur a bay cas cu mas aprecio y mas amor pa nos lenga materno Papiamento. Pabien ainda Aruba cu nos lenga materno. E fecha di 21 di Februari mes a pasa, pero, nos ta sinti, papia y biba nos idioma tur dia ! Y manera nos flamante y carismatico ministro Xiomara Maduro ta bisa

:" Cultura bo tin cu sinti'e y bib'e. Y nos Papiamento tambe !

Pordona Lady Ruth, ora e no ta skirbi tur palabra tin biaha correcto, pero, su curason ta na e bon lugar. Y...e ta sigui expresa su mes, canta, reza, combersa etc. den nos DUSHI PAPIAMENTO.

E siguiente poema cortiko di Lady Ruth :
21 FEBRUARI DIA DI LENGAMATERNO
Dia di lenga materno caba ?

No tin awa pa laba !
Nos dushi Papiamento
Lanta, spierto y atento
Pabien na tur cu ta papi'e y expres'e

Pabien na tur cu ta defend'e y elogi'e

Un dia pa reflexiona y celebra
Nos lenga materno hamas lubida !